

INUIT ATAQATIGIIT

Inatsisartuni



UKA 2018/166
25.10.2018
Mikivsuk Thomassen

Uunga siunnersuut: 2020 nallertinnagu ullukinnerup ulloq 21. decembarip pisortatigoortumik nalliussineqartalernissaanik atulersitsinissaq pillugu Inatsisartuni aalajangiiffigisassatut siunnersuut.

Inuit Ataqatigiinniit siunnersuummut imaattumik oqaaseqassaagut. Nunatsinni nammineerluta pigisatsinnik tamatsinnut ullunik pingaartitsinnik naleqartitatsinnillu qangarsuaaniilli ullumik pingaartutut isigisariaqakkatsinnik siulitta pingaartilluinnarlugu ulloq atortarsimasaat 21 december ullukinnerup pisortatigoortumik nalliussineqartarnissaa kulturitsinnut ilaammat tamatsinnut pingaaruteqarpoq.

Pingaartuuvormi siulitta illernartuutitatus ulloq atortarsimammassuk allaat ileqqorineqarsimalluni piniariarfittut suliaqaqqusaanatik, pineqartoq tassaasimavoq pereersunut qaangiuttumut qujaniarfittut nutaassamilu takkukkumaartunut tikilluaqqusiffittut. Ulloq illernartutut isigineqarsimavoq, qilaatersornikkut tivanermik nuannaarnermik erinarsornerit kulturitsinnut tunngasut ilanngullugit tamanna nalliuttorsiutigineqartarsimavoq, inuit tamarmik peqataaffigisinnaasaannik. Pingaartorsiornerminni assuutinik atisalersortarput, ileqqutoqqanittaaq malitassani timikkut tarnikkullu ilaqutariissusermillu pingaartsinneqartarsimavoq, ataqatigiinnikkut ataatsimoornikkut, tamanna siulitta inuunerminni toqqammavigisaat.

Siulitta ukiup nikinnerani malunnartillugu nalliuttorsiutigisarnikuusaat naleqartitsinikkut nangitsigu. Tassaasoq inuup pitsaanerpaamik inuuneqarnissaanik periarfissaqarnissaa ilaqutariissusermillu ataatsimoornissaq.

Ilisimavara illoqarfinni ataasiakkaani ullukinnerisiorneq pingaartsinneqarluni nalliuttorsiutigineqartartoq. Taamatut oqaaseqarluta pisortatigoortumik nalliussineqartarnissaa akuersissutigineqarnissaa innersuupparput. Ataatsimiititaliamullu susassaqartumut innersuullugu.